

Nag-unang Sinemanang Magasin Sa Bisaya

# Bisaya

Pebrero 6, 2019

Karon,  
Available na sa  
National Bookstores  
ug Merriam &  
Webster Bookstores  
Nationwide!

## Mga Sugilanon:

**Ang Babaye  
Nga Nag-Ilok  
Og Manok**

Ni Emelario S. Sumagang

**Balut**

Ni Kenneth Michael Bobo

## Artikulo

**Malipayon  
Sa Iyang Red  
Lady Nga  
Kapayas**

Ni Zac B. Sarian

## Balak Sa Semana:

**Ang Tawo, Ang  
Gapnod Ug Ang  
Mga Balod**

Ni Ricardo Malubog Tubon



# KIM CHIU

# Kim Chiu:

## Malaomon Nga Mas Magmabungahon sa 2019

**S**A premyadong mga aktres sa *Philippine showbiz*, usa si Kim Chiu sa mga *in-demand* sa tuig 2018. Nagsunod-sunod ang iyang mga proyekto, usa na niini ang "One Great Love" nga *entry* sa Metro Manila Film Festival 2018.

Si Kimberly Sue Yap Chiu, tinuod nga ngalan ni Kim, nominado pagka *best actress* sa MMFF 2018. Apan napuhalan siya ni Ms. Gloria Romero sa *best actress award*. Bisan pa niini, malipayon gihapon siya nga usa sa mga gipilian sa mga hurado ang iyang pag-arte.

Dako ang iyang pagpasalamat sa iyang *fans* nga padayong mingsuporta niya *through thick and thin*. Dili basta-basta ang



sakripisyo sa iyang *solid fans* nga walay hunong nga mingsuporta niya, usa na niini si Juliet Rodriguez, nga nahimo usab niyang higala. Dili kabayran og salapi ang ilang sakripisyo nga bisan asa siya arua usab sila. Busa, maingon ni Kim nga suwerte siya sa iyang mga sumusunod.

Dako usab niyang suwerte nga anaa kanunay sa iyang kiliran si Xian Lim, ang iyang *knight in shining armor* nga bag-o lang niyang giangkong nga palalab, kinsa andam moagakay kaniya gikan sa mga pagsulay padulong ngadto sa kalampunan sa iyang mga pangandoy.

Tungod sa kakugihan ni Kim sa trabaho ug sa *bankability* niini, usa siya karon sa *highest earning celebrity* sa Pilipinas. Sukad sa iyang pagsulod sa *showbiz* niadtong 2006, daghan na siyang napundar nga mga gamit, nakapatukod og bag-ong balay alang sa iyang pamilya, nakatigom og ubay-ubay sa banko ug nakapalit og modernong sakyanan sama sa *van* nga giisip niya nga iyang *mini-home*.

Ang iyang *personalized van* adunay *features* nga sabi sa makita sa usa ka gagmayng *condo*. Kompleto kini sa gamit sama sa gamayng lamesa, higdaanan, *dresser with a light-up mirror*, *closet* nga puno sa iyang mga sapot, *television with matching sound system*, ug daghan pang uban. Kini ang kanunay niyang gamiton sa mga *taping* nga adto *i-shoot* sa lagyong mga lugar.

*Super happy* si Kim sa padayon nga paglig-on sa relasyon nila si Xian. Unsa kahay sekreto sa ilang relasyon?

Gibutyag ni Kim nga ang padayon nilang pakigkomunikasyon sa usag usa ang dakong sekreto sa lig-on nilang pagminahalay ni Xian. Ang lalaki karon ang usa sa naghatag og bulok sa iyang kinabuhi—kalipay ug katagbawan sa unsa may gihatag nga grasya sa kahitas-an.

Pero gipasabot ni 28-anyos nga dalaga nga wala pa siyang plano og dili pa siya andam nga magtukod og kaugalingong pamilya.

"*Hindi naman all out sa love life, balance naman lahat, kasi bata pa naman ako. Wala pa naman sa isip ko ang papunta sa pagiging momshie. So ayun, balance, patas, chill, relax and enjoy*," ni Kim pa nga mipagawas sa iyang mga kandiis.

Gusto niya nga *i-enjoy* ang iyang relasyon sa *boyfriend*.

Iyang gipanghinaot nga sa 2019, labi pang magmalipayon ug magmabungahon sa iyang mga kakugi. Ug padayon siyang makahatag og kalipay sa mga mingsuporta niya ug sa iyang pamilya.—

# SARAH GERONIMO

## VERY SUPPORTIVE NI MATTEO GUIDICELLI

**N**ATRULILI na sad ang mga *fan* sa *AshMatt team* tungod kay nakita na sab nila ang paborito nilang *showbiz couple* nga sila si Sarah Geronimo at Matteo Guidicelli.

Nasayran nila nga *very supportive* ang *Popstar Royalty girlfriend* sa *sports-minded boyfriend*.

Mibaha lagi ang malipayong hulagway sa duha human sa *final jump* ni Matteo sa *motorcycle riding safety training* niini di pa lang dugay.

Bibo ang duha nga nakig-*groupie* sa mga *fan* nga mingtambong usab sa naasoyng *event*. Nalingaw sad ang mga sumusunod sa duha.

Gani may miingon man nga angayng magpakasal na sila. Hinuon, anaa na sila sa hustong edad kon gusto na man ugaling nilang magpakasal. Apan ang duha igo lang nga mokatawa kay lagi wala pa kuno ni sa ilang hunahuna, *as of now*. *Career* una ang ilang unahon karon. Asa ra man kuno ang kasal kon mag-*sink in* na gyod nga angay na silang moatubang sa altar sa kaminyoon.

Karon, maoy ilang gihimo ang padayong paggabalak sa nagdagaang nilang gugma ug respeto sa usag usa.

Sa atong nasayran, pipila ka tuig na diay nga mag-on sila si Sarah Geronimo ug Matteo Guidicelli. Gani, nabalita pa man nga duna nay *engagement ring* nga gisul-ob-sul-ob si Sarah. Naghilom lang ang duha bahin sa ilang tinuod nga relasyon. Apan sa dihang gikompirmar na nila ni Sarah ug Matteo nga sila na gyod, *as in*, mas *open* na ang duha moatubang sa mga tawo.

Well, angayan man pod sila.—



# KAREL MARQUEZ,

## MIHANGYO SA NETIZEN NGA DILI IPATANGTANG ANG GISABAK

"**P**LEASE, I am begging you, I am crying as I type this, do not abort your baby. Please."

Kini ang hangyo-mensahe ni Karel Marquez ngadto sa usa ka babayeng *netizen* nga personal nga nangayog tambag.

Nabalaka ang aktres sa pagkasayod niya sa sitwasyon sa babaye.

Ang babaye mibutyag ni Karel nga unom ka buwan na kining mabdos sa anak sa kanhi niining *boyfriend* sulod sa napulo ka tuig. Ang relasyon nila sa lalaki *up and down*. Sulod sa ilang relasyon, daghang higayon nga gibuungan kini sa lalaki. Kay nahibaw-an niini nga nakaaanak si lalaki sa laing babaye sulod sa duha ka tuig nilang relasyon. Ug nasundan pa og laing anak sa mao gihapong babaye.

Gipasaylo kuno kini ni babaye ug gidawat nga duna nay anak ang lalaki. Ang lalaki misaad nga maghinut-an ug nakigbuwag na sa inahan sa mao bata.

Nagkanindot na unta kuno ang ilang relasyon sa iyang *former partner* hangtod sa miaging tuig sa dihang nasayran ni babaye nga nagsabak siya.

Ug imbes nga malipay, nasuko hinuon si lalaki ug gustong ipatangtang. Apan nagmagahi si babaye nga ipadayon ang pagsabak hangtod nga ihimugso ang anak.

Wala madogay, nasayran lang ni babaye nga si lalaki

nakigrelasyon pa diay gihapon sa babayeng gianakan niini. Ug to *add insult to injury*, upat diay ang anak ni lalaki dili duha segun sa unang nahibaw-an.

Nagkalahugay ang mga problema nga mihagwa sa galamhan ni babaye. Ingon sa nawad-an na kini sa maayong pamensar ug nakahukom nga dili na ipadayon ang pagsabak, aron dili mahisama sa uban ang anak nga walay ibong amahan.

Tungod niini, gihangyo ni Karel ang babaye nga dili ipadayon ang nahunahunaan nga ipatangtang ang gisabak kay usa kini ka dakong sala.

"*Let the baby stay away from that weakling, manlolo, gago who said to abort. Do you have friends/close fam? Find a support system to help you get through. If alone, you will NEED strength from The Lord.*" pu'ng pa ni Karel.

Gitambagan niya si babaye nga magpakalig-on alang sa iyang anak ug mag-move on.

"*You know what else, PRAY. Pray, pray pray. This really is also the most important part for anything you are going through. The Lord will NEVER let you down. He won't make you go through this pag alam niyang hindi mo kaya. KAYA MO YAN. It will be painful, but do NOT give up. If I can, if they can, YOU CAN,*" dagtung ni Karel.—

# BAG-ONG TUIG 2019: MAS GIPANINDOT NGA BAG-ONG DAGWAY SA BISAYA

Ni NEMESIO B. SINANGOTE

**T**ININGOB ang akong pagpalit og mga hulad sa sinemanang isyu ning pinalangga tang Bisaya Magasin. Sulod sa usa ka buwan, kausa ra ko modumdom og adto sa sangang buhatan sa Manila Bulletin sa Dakbayan sa Sugbo nga naa mahimutang sa Dalan D. Jakosalem korner Dalan Zamora nga atbang sa tuong bahin sa UV kun University of the Visayas (nga nag-atubang sa Dalan Colon atbang sa Gaisano Main). Matag hinapus nga bahin sa buwan kasagaran ang akong pag-adto sa nagbingtong nga *branch office* sa MB sa siyudad. Gituyo ko kini aron maringob nakog palit ang tanang mga isyu sulod sa maong buwan nga walay lat-ang gawas lang sa panagsang higayon nga madclatar ang pag-abot sa mga kopya gikan sa ulohang buhatan sa MB sa kaulohan.

Labaw sa tanan, ang dakong bentaha kon sa sangang buhatan sa MB tingob kong magpalit og mga kopya mao nga gawas nga makadaginot ko sa oras, mas makadaginot pa gyod kog pipila ka pesos nga diskuwento kay imbes nga tag-25 pesos ang *cover price* sa Bismag, 20 pesos na man lang ang ipabayad sa taga *branch office* kon ilang masiyanan nga tigtamponan og simulat sa MB ang mopalit og kopya sa magasin.

Mao nga bisan naeksayted ko dihang mipasiunag labtik si Associate Editor Edgar S. Godin nga may sorpresang kausaban sa dagway sa Bismag sa di pa matapos ang miaging tuig 2018, wa gyod koy ideya kon unsa kini kay ari na man lagi ko sa matag hinapos sa buwan tingob nga makapalit sa kopya. Apan dihang mitataw pag-ingon si Editor ESG nga *glossy* na kuno ang tanang mga pahina sa Bismag (ug angay lang nga pabahaan kinig maanindot nga mga tampo sa mga magsusulat), wa ko kaagwanta ug dihadaha misirit kog adto sa *branch office* sa Manila Bulletin usa ka udto niana ug pag-abot didto way langay nga miyamar ko na upat ka isyu sulod sa buwan sa Disyembre sa milabayng tuig 2018.

Dihang gitunol na sa maanyag nga *staff* sulod sa MB-Cebu Branch Office ang mga kopya sa Bismag tapos ko kabayri, nagdali-dali kong mipukli sa mga panid aron pagsuta kon may



kausaban na ba gyod niini. Sama sa naandan, maoy giuna kog ukay ang mas nahaunang isyu sa petsa 5 sa Disyembre. Wa koy nakitang kausaban sa mga panid. Gibalik-balik ko kini pagsuhid pero wa man gyod. Mao nga gisunod nakog pakli ang isyu sa petsa 12. Gibalik-balik. Mao ra gihapon. Wuy nausab o kausaban.

Mas naghinam-hinam kong gisunod pagsuhid ang ikatulong isyu nga pinetsahag 19 sa Disyembre. Ug didto ra! Mao pa ganiy pagsugod nakog pakli pero nasabtan ko na dayon ang buot ipasabot ni Associate Editor Edgar S. Godin. Wa ko kapugnang ang pagtitli sa akong pahiyom

Gipadayon sa panid 15)

# Bisaya



"MANSÁ SA DUNGO"  
Nobela ni OMER OSCAR  
B. ALMARAZ  
Dibuhá ni F. SANDIGAN  
(Mayo 15, 2018)



BISAYA is available in all leading bookstores and newsstands nationwide.

Download your digital copy through BUQO, MAGZTER AND PRESS READER.

